

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

QUÆSTIO MEDICA.

1783

Quodlibetariis disputationibus manè discutienda in Scholis Medicorum, die Jovis decimâ quintâ Decembris 1707.

M. JOANNE HERMENT, Doctore, Medico Regis ordinario, & Scholarum Professore, Præsidente.

An ineunte morbo vomentibus vomitoria?

VOMITUS ineuntis morbi comes aut præludium, morati sanguinis, non cumulati humorum indicium, gementis, non operantis naturæ argumentum. Erethismi genus est, quem invehit, non humorum copia, sed liquorum mora, sanguis hærens, non humor exundans, secretionis vitium est, cujus author non infrequens spasmodica secretantis organi angustia, secretendorum anomalia. Igitur, quod in alvo cassum egerendi conamen, in vesicâ micturitis, in pectore tussis, simile quid videtur assidua vomendi cupiditas. Ventriculi tenesmus est; hanc enim publicam fieri atque generalem vocem, quid vetat, quæ siccas quasvis aut irritas egestionis designabit? Ut ut sit, rem intelliges, si memineras criminis alieni pœnas non infrequenter à ventriculo lui. Concussu cerebrum, phthisi pulmones, jecur inflammatione, obstructione lien, nephritide, renes laborant? Vomitat ventriculus. Vesica dolet aut inflammatur? convellitur aut tumet uterus? convoluuntur intestina? Vomitus succedit. In causa est stomachi fors aut conditio. Commune viscus est, pars publica, quæ ut sibi minus seruit, quàm cæteris, sic omnium damna sentit & pœnas. Resonabilis est universi corporis Echo, respondens omnibus, omnium concussionibus nervorum, omnibus spirituum undulationibus & oscillationibus resultans. Post hac, vomitum vomitus addes? vomentes vomere jubebis? Currenti equo calcaria addere est, præcipitque malo stimulos. Posita enim malè est vomitionum causa, quæ aliunde, quàm è ventriculo venit, sedibusque remotis debetur. Nascentibus potissimum morbis turbata suspensæ liquidorum cum solidis commercia, motus non dant, sed tumultus; tam insidiosos quàm multiplices, quò plures enim simul impetuntur partes, quibus præcipuè medela paretur. Hinc inconspicuum, magis, cui primum succurratur.

MALORUM cumulum addes, si morbum pepererit sanguinis flamma. Quid autem, si hæc ipsa sit gravissimum morborum fomes, pessimum symptomatum ipsarumque vomitionum causa? nùm hîc quod vomitorii locum dabis? sed fortè, an in suspicionem tibi venient cæca morbi malignitas, humores nunquam cohibiles, turgentis succi, serum oberrans? Phalarata dicta! quasi isthæc vomitoriis curari amerent. Malignitas frequens minus, quàm decantata, medici dexteritatem ut plurimum postulat magis, quàm dexteram, manum minus, quàm animum. Turgent, tumultuantes, & intradabiles succi vomitioni tam inepti sunt quàm coctioni. Sed aiunt subesse humorum saburram intrâ primas vias coercitam; porrò tali, ut communi & publicæ morborum causæ vomitorio opus erit; Esto, si reverâ subit, si febrem faciat si Achillæo eget præsidio: verùm ad manum sunt, quæ humores, qui sic in viâ sunt & in proclivi, faciliè pellant.

QUID ergo consilii? quid remedii? ne vomitionum tormentis miserè succumbat æger? intelliges, intellectus solidorum symmetriâ, liquorum cursu, sensu nervorum, spirituum motu. Infirmitate talo singula hæc sulta putas? confirmant principum artis consilia, observatio, usus. Medicinæ patribus compertum fuit, diluentibus, anodynis, mulcentibus, venæ sectione, compesci vomitiones; sed iis omnibus concordant partium corporis mechanice leges. Hominem concipito bene sanum & incolumem; hunc inopina corripit febris, peripneumonia, pleuritis, vomitionibus stipata. Harum causas quaris & auxilia? in promptu sunt. Sanguinis excursus & undas (quæ pulsû æquali, placido, regulari, ad habitum corporis & viscera modò ferebantur) illic intercepti putres alicubi & interturbati, liquidorum & sanguinis vortices miseri, necesse est concipias; sanguis enim objecta sibi sentiens repagula in se revertitur, turbatur, coerceturque corporis centro: stagnatione suâ & mole viscera premit, morâ, lentore, fatigat, vitio & acore lacescit. His omnibus suâ vasorum & nervorum multitudine maxime parens ventriculus singulorum sentit incommoda, vellicatus insurgit, tandem expedire se vomitando nititur. Sanguinis tumultum misso sanguine compescis, diluennibus diluis, mulcentibus sedas, verbo, liquidis suum ordinem reddis & feriem, suam solidis agilitatem & mollitiam, restituitoque sanguinis circulo, vomitio cum febre evanescit. Hanc ergo tibi dicas legem, sinceram à veteribus inventas fuisse morborum indicationes; à recentioribus veras indicationum causas, tutas in tantum & laudabiles, in quantum post inventam medicinam feliciter quæsitæ sunt & felicius inventæ.

PER PLURA sunt, si alios audias, quæ hîc vomitoria commendunt; observata nempe plûsqûam vulgaria, multi nec infelices vomitoriorum eventus, multiplicia curationum miracula; medentium exempla. Hic acutissimo lateris dolore laborans, quem gravabat in primis cum tussi & sanguinis sputo, assidua vomendi cupiditas, emetico præpropere oblato, velut incantamento convaluit. Nauseabat alter sub primis peripneumoniarum initiis, sanguinemque plenè fundebat buccis; talem exinaniri sanguine jussissent vulgares Medici, quem ab orci faucibus vomitorium eripuit. Tertium ex febre malignâ vomitantem missis cardiacis vulgariis remedium ludibriis, emetici iterata dosi illic sanavit. Narrantem deficeret tempus de nephriticis colicis & dysentericis vomitionibus, quas compescuit ex arte instituta vomitio. Aliud cogitabis remedii genus præsens aut catholicum magis? aliud invenies, quod missis fastidiosæ methodi ambagibus, citius, & jucundius curet? profectò hoc in uno totam artis industria summam locare, ægrorum solatio vacare est, artisque compendio studere.

ITA sanè, sicut quæ de suis arcanis effluunt & pollicentur medicastri, æqualia non essent aut majora portenta. Sed illius erroris fons est, usus aut experientiæ præpostera intellectio. Arti fidem dat ille usus, qui universalis, qui consonus rationi, qui naturæ respondens, qui indubitatus est, qui confessus, demit, qui singularis est, nuperus, anceps, futuri ambiguus, controversus. Porrò illas certitudinis notas, hæc insignia, sola meretur & assert antiquitas, veritatis index. Absit tamen credideris, id unicè tibi adoptandum quod antiquum est aut à veteribus traductum. Veterum ergo inventis addas, conceditur, sed quæ ejusmodi sint, ut, dum nostra implent vota, nepotum spondeant, cogantque suffragia. Sed hæcine est vomitoriorum conditio, quæ vomitionum aut nausæ pretextu, medias inter partium inflammationes quotidie imperantur, ipsa inter sanguinis incendia? externa hæc inventiuncula est, prisca indigna temporibus, patribus intentata, nepotibus ejuranda. At tamen temerari non est Medici interdum emetica tentare, non enim fucum faciet de vomitu vomitui addendo divini sensus effatum. Locum obtinet, ubi sanguis hæret sine febre, lentescit sine ardore, stagnat sine dolore. Ubi vomitiones facit, non bilis æstus, sed serum exundans, non falsus, sed multus humor, non ficticia succorum malignitas, sed vera putredo. Ubi viscera gravantur, non punguntur, gemunt, non convelluntur. Iis conditionibus positus, vomitum vomitui addere sana res est; demptis, piaculum.

Non ergo ineunte morbo vomentibus vomitoria.

DOMINI DOCTORES DISPUTATURI.

M. Petrus le Tonnellier.

M. Joannes Gaillard.

M. Matthæus Dionysius Fournier.

M. Carolus Thuillier.

M. Carolus Bonpart, rei herbariæ & universæ materiæ Medicæ Professor.

M. Nicolaus Andry, Professor Regius.

M. Joannes Boudin, Serenissimi Principis Delphini primarius Medicus.

M. Guydo-Eraſmus Emmerex.

M. Michaël de Hodezac.

Proponebat Parisiis MICHAEL PROCOPE COUTEAUX, Parisinus, Baccalaureus Medicus. A. R. S. H. 1707.